

## Meeqqat atuarianniit inuusuttut ilinniarsiinut ingerlaqqinnerit

Meeqqat atuarianni naammassisimasut ilaat inuusuttunut ilinniarsimmut ingerlaqqinnginnerminni efterskolertarput imaluunniit assersuutigalugu Majoriami piginnaangorsaqqinnermik højskolimilluunniit ingerlatsisarlutik. Kisitsisitigut paasisutissani matumani meeqqat atuarianni naammassisimasut atuartut qanoq amerlatigisut inuusuttunut ilinniarsimmik, tassa ilinniarnertuunngorniarnermik aammalu inuusutissarsiornermik ilinniarnermik, aallartitsisarnerat kisimi pineqarpoq.


Kisitsisitigut paasisutissani meeqqat atuarianni soraarummeernermi minnerpaamik misilitsinnermi ataatsimi peqataasimasut tunngavigineqarput, meeqqat atuarianni atuartut tamakkerlugit nalunaarsuuteqannginnerat pequtigalugu. Tamanna meeqqat atuarianni soraarummeernermi misilitsissimangisut, assersuutigalugu specialklassini atuartut, kisitsisini ilaatinneqannginnerannik isumaqarpoq.

## Meeqqat atuarianni soraarummeertut affai inuusuttunut ilinniarsimmik aallartitsisarput

2019-imi meeqqat atuarianni soraarummeertut akornanni 52 pct.-ii ukiut marluk ingerlanerini inuusuttunut ilinniarsimmik aallartitsisimapput. Atuartut amerlanersaat, 83 pct.-iinik annertutigisut, ilinniarnertuunngorniarnermik aallartitsisimapput 17 pct.-iilu inuusutissarsiornermi ilinniarnermik aallartitsisimallutik.

Ukiut marluk ingerlanerini inuusuttunut ilinniarsimmut ingerlaqqittartut amerlassusaat 50 pct.-it missaaniittarpoq.

### Titartagaq 1. Meeqqat atuariannik naammassinnereernermi ukiut marluk qaangiunnerini inuusuttunut ilinniarfimmik aallartisisimasut annertussusaat, 2010-miit 2019-imut soraarummeertut




Najoqqutaq: Naatsorsueqqissaartarfik – kisitsisit Kisitsisaataasivimmi takukkit (<https://bank.stat.gl/UDNTRFA1>).

### Kommunit malillugit ingerlaqqittarnerit annertussusaat

Kommunit malillugit immikkoortiterinermi Qeqqata Kommuniani meeqqat atuarianni soraarummeertut inuusuttunut ilinniarfinni aallartissimasut amerlanerupput. Agguaqatigiissillugu Qeqqata Kommuniania 2017-imiit 2019-imut meeqqat atuarianni soraarummeersimasut 57 pct.-ii soraarummeernerup kingorna ukiut marluk ingerlanerini inuusuttunut ilinniarfinni ilinnialersimapput. Kommune Kujalleq kiisalu Avannaata Kommuniani ingerlaqqittartut 51 pct.-iullutik kiisalu 44 pct.-iullutik appasinnerupput.

## Titartagaq 2. Meeqqat atuarfiannik naammassinnereernermi ukiut marluk qaangiunnerini inuusuttunut ilinniarfimmik aallartisisimasut annertussusaat, 2017-imiit 2019-imut soraarummeersimasut agguaqatigiissinneri



Nassuiaat: Kommunit ilaat ikituinnaamik atuartoqartarnerat peqqutigalugu titartagaq ukiunik pingasunik agguaqatigiissitsilluni suliaavoq.


Najoqqutaq: Naatsorsueqqissaartarfik – kisitsisit Kisitsisaataasivimmi takukkit (<https://bank.stat.gl/UDNTRFA1>).

## Niviarsiaqqat ilinniarneruunngorniarnermik toqqaasartut nukappiaqqanit amerlanerusut

2019-imi meeqqat atuarfiata naammassereernerani niviarsiaqqat 58 pct.-ii ilinniakkanut ingerlatsippit, nukappiaqqat 46 pct.-ii ingerlatsillutik. 2010-mili taamatut ingerlasimapput.

Niviarsiaqqat (53 pct.-it) pingaartumik ilinniarneruunngorniarnermik toqqaasartut, ikinnerusullu (6 pct.-it) inuussutissarsiornermi ilinniakkamik aallartitsisarlutik. Nukappiaqqat akornanni amerlanerusut (34 pct.-it) aamma ilinniarneruunngorniarnermik aallartisisimapput. Ikinnerusulli (12 pct.-it) inuussutissarsiornermi ilinniakkamik aallartisisimallutik.

**Titartagaq 3. Meeqqat atuarfiannik naammassinnereermermi ukiut marluk qaangiunnerini inuusuttunut ilinniarfimmik aallartisisimasut annertussusaat suaassuseq malillugu, 2019-imi soraarummeertut**



Najoqqutaq: Naatsorsueqqissaartarfik – kisitsisit Kisitsisaataasivimmi takukkit (<https://bank.stat.gl/UDNTRFA2>).

**Eqikkaaneq**

**Tabel 1. Meeqqat atuarfianniit ukiut marluk qaangiunnerini inuusuttunut ilinniarfimmik ingerlaqqinnerit, 2019-imi soraarummeertut**

Ilinniakkap qaffasissusaa	Ingerlatsisut	Naammassinnissimasut	Unitsitsisut	Aallartisisimangngitsut	Katillugit
Ilinniarnertuunngorniarneq	214	-	66	-	280
Inuusutissarsionermi ilinniarneq	40	5	13	-	58
Nalunaarsuuteqanngitsut	-	-	-	310	310
Katillugit	254	5	79	310	648
Procent					
Ilinniarnertuunngorniarneq	33,0	-	10,2	-	43,2
Inuusutissarsionermi ilinniarneq	6,2	0,8	2,0	-	9,0
Nalunaarsuuteqanngitsut	-	-	-	47,8	47,8
Katillugit	39,2	0,8	12,2	47,8	100,0

Najoqqutaq: Naatsorsueqqissaartarfik – kisitsisit Kisitsisaataasivimmi takukkit (<https://bank.stat.gl/UDNTRFA1>).

**Tabel 2. Meeqqat atuarfianniit ukiut marluk qaangiunnerini inuusuttunut ilinniarfimmik ingerlaqqinnerit suaassuseq malillugu, 2019-imi soraarummeertut**

Ilinniakkap qaffasissusaa	Ingerlatsisut	Naammassinnissimasut	Unitsitsisut	Aallartisisimangngitsut	Katillugit
<b>Nukappiaqqat</b>					
Ilinniarnertuunngorniarneq	76	-	34	-	110
Inuusutissarsionermi ilinniarneq	27	3	10	-	40

Nalunaarsuuteqanngitsut	-	-	-	174	174
Katillugit	103	3	44	174	324
	Procent				
Ilinniarnertuunngorniarneq	23,5	-	10,5	-	34,0
Inuusutissarsionermi ilinniarneq	8,3	0,9	3,1	-	12,3
Nalunaarsuuteqanngitsut	-	-	-	53,7	53,7
Katillugit	31,8	0,9	13,6	53,7	100,0
<b>Niviarsiaqqat</b>	Amerlassusaat				
Ilinniarnertuunngorniarneq	138	-	32	-	170
Inuusutissarsionermi ilinniarneq	13	2	3	-	18
Nalunaarsuuteqanngitsut	-	-	-	136	136
Katillugit	151	2	35	136	324
	Procent				
Ilinniarnertuunngorniarneq	42,6	-	9,9	-	52,5
Inuusutissarsionermi ilinniarneq	4,0	0,6	0,9	-	5,6
Nalunaarsuuteqanngitsut	-	-	-	42,0	42,0
Katillugit	46,6	0,6	10,8	42,0	100,0

Najoqqutaq: Naatsorsueqqissaartarfik – kisitsisit Kisitsisaataasivimmi takukkit (<https://bank.stat.gl/UDNTRFA1>).

## Periaaseq

Kisitsisini paasissutissani matumani siunertaavoq meeqqat atuarfiini naammassimasut qanoq amerlatigisut ukiut 1-10 ingerlanerini inuusuttunut ilinniarfinnut ingerlaqqittarnerisa naammassinnittarnerisalu kisinneqarnissaat.

### Nalunaarsuutit tunngaviusut

Kisitsisitigut paasissutissat ilinniakkanik aallartitsisunut, ilinniakkanik ingerlatsisunut ilinniakkanillu naammassinnissimasunut nalunaarsuisarfiit tunngavigalugit kisitsisitigut paasissutissat suliarineqarput. Kisitsisillu meeqqat atuarfianni naammassimasut nalunaarsuisarfiat soraarummeernermi karakterinik imaqartoq tunngavigineqarpoq.

### Periaaseq

Meeqqat atuarfianni soraarummeertut ukioq naammassiffigisimasaannit ukiut 1-10 qaangiunnerini ilinniakkamik aallartitsisimasut, naammassinnissimasut sulilu ingerlatsisut nalunaarsuisarfiini ataatsimut ingerlanneqarput.

Ukiut tamaasa ukiumi pineqartumi atuartut suli ilinniakkamik ingerlatsisutut imaluunniit ukiut kingulliit ilaanni ilinniakkamik naammassinnissimasutut killiffilerneqartarput. Atuartut suli ilinniakkamik ingerlatsisutut imaluunniit naammassinnissimasutut nalunaarsorneqarsimannigitsut "unitsitsisimasutut" killiffilerneqarput. Meeqqat atuarfiannik naammassinnereernerup kingorna ilinniakkamik aallartitsisimannigitsut "aallartitsisimannigitsutut" killiffilerneqarput.

### Killiffimmi piffissaq

Meeqqat atuarfiannik naammassinnereernermi ukiut qaangiuttut amerlassusaannut atorineqarpoq, ilinniakkap killiffia 31. decembarimi naatsorsorlugu.

### Ilinniakkap qaffasissusaa

Ilinniakkat qaffasissusaa International Standard Classification of Education 2011-meersoq malillugu immikkoortiterneqarput. Naatsorsueqqissaartarfiup ilinniartitaanerup iluani taaguutit pillugit saqqummersinnikuusaani ilinniakkami pineqartumi imaluunniit ISCED-i malillugu immikkoortiterinermi ilinniakkat suut pineqarnerisut takuneqarsinnaapput. Taaguusersuineq [www.stat.gl-imi](http://www.stat.gl-imi) Ilinniartitaanermut sammisap ataani nassaarineqarsinnaavoq. Saqqummersitaq kingulleq iserfigiuk Perisaatsimullu nassuiaat atuarlugu.

### Ilinniakkap killiffia

Ukiup kisitsiviusup naanerani ilinniartup ilinniarnermi killiffianut atornerqarpoq. Ilinniakkap killiffiani naatsorsuutit atornerqartut tassaapput:

1. suli ingerlatsineq
2. naammassinnissimaneq
3. unitsitsisimaneq
4. aallartitsisimannginneq

### Naatsorsuineq

Meeqqat atuarfianniit inuusuttunut ilinniarfinnut ingerlaqqittut kisitsisitigut paasissutissaat meeqqat atuarfiannik naammassinnereernerup kingorna ukiut 1-10 qaangiunnerini suli ingerlatsisut, naammassinnissimasut, unitsitsisimasut imaluunniit aallartitsisimanngitsut amerlassusaattut naatsorsorneqarput.

Tabelit ilinniakkap aallartissimasap qaffasissusaannut, atuarfinnut suaassutsinullu naatsorsorneqarput.

### **Killiliinerit erseqqissagassallu**

Kisitsisitigut paasissutissani meeqqat atuarfiini soraarummeernermi minnerpaamik misilitsinnermi ataatsimi peqataasimasut tunngavigineqarput. Atuartut Kalaallit Nunaanni meeqqat atuarfianni soraarummeernermi misilitsissimanngitsut, assersuutigalugu specialklassini atuartut imaluunniit qallunaat efterskoliini 10.klassersimasut kisitsisini ilaanngillat. Kalaallit Nunaannit nuussimasut Kalaallit Nunaannilu ilinniagaqarnerisuteqartitsivik avaqqullugu ilinniagaqarsimasut "aallartitsisimanngitsunut" killiffimmi ilaapput.

"Unitsitsinermut" killiffimmi ilinniakkamik unitsitsigallartut ilaapput.

---

Ilisamaatinut nassuiaatit:

... Paasissutissat pigineqanngillat

.. Paasissutissat nalunaarsussallugit qulamarpallaarput mianersuuttariaqarpulluunniit

. Suliap pissusia tunngavigalugu kisitsisit saqqummersinneqarsinnaanngillat

0 Uuttuutigineqartup affaanit minneruvoq

- Nul

\* Kisitsisaagallartoq kisitsilluunniit eqqoriameqartoq

Saaffiginniffissaq

Samo Nielsen

E-mail: [snie@stat.gl](mailto:snie@stat.gl)


Ilinniartitaaneq

Naatsorsueqqissaartarfik

Postboks 1025 · 3900 Nuuk

Oqar.: +299 34 57 70

[www.stat.gl](http://www.stat.gl) · e-mail: [stat@stat.gl](mailto:stat@stat.gl)



NAATSORSUEQQISSAARTARFIK  
GRØNLANDS STATISTIK STATISTICS GREENLAND